

**VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN
DIRECCIÓN XERAL DE PLANIFICACIÓN ENERXÉTICA E RECURSOS NATURAIS**

Santiago de Compostela

Asunto: Alegacións á Resolución do 6 de outubro de 2021, da Dirección Xeral de Planificación Enerxética e Recursos Naturais, pola que se someten a información pública a solicitude de autorización administrativa previa, a autorización administrativa de construción, o estudo de impacto ambiental e o proxecto sectorial de incidencia supramunicipal (proxecto de interese autonómico) do parque eólico Estivada, situado nos concellos de Agolada (Pontevedra) e Antas de Ulla (Lugo), e promovido por Green Capital Power, S.L. (expediente IN408A/2019/17). DOG Núm. 201, 19 de outubro de 2021.

Don/Dona _____ con DNI. Número
_____, con domicilio a efectos de notificacións en
_____, municipio de _____,
provincia _____, teléfono _____.

EXPÓN:

Á vista da Resolución do 6 de outubro de 2021, da Dirección Xeral de Planificación Enerxética e Recursos Naturais, pola que se someten a información pública a solicitude de autorización administrativa previa, a autorización administrativa de construción, o estudo de impacto ambiental e o proxecto sectorial de incidencia supramunicipal (proxecto de interese autonómico) do parque eólico Estivada, situado nos concellos de Agolada (Pontevedra) e Antas de Ulla (Lugo), e promovido por Green Capital Power, S.L. (expediente IN408A/2019/17), DOG Núm. 201, 19 de outubro de 2021, por medio do presente escrito realiza as seguintes **ALEGACIÓNS:**

1.- Vulneración flagrante da Directiva 92/43/CEE, relativa á Conservación de Hábitats Naturais e da Fauna e Flora Silvestres.

“Artigo 2

1. A presente Directiva ten por obxecto contribuír a garantir a biodiversidade mediante a conservación dos hábitats naturais e da fauna e flora silvestres no territorio europeo dos Estados membros ao que se aplica o Tratado.
2. As medidas que se adopten en virtude da presente Directiva terán como finalidade o mantemento ou o restablecemento, nun estado de conservación favorable, dos hábitats naturais e das especies silvestres da fauna e da flora de interese comunitario”.

“Artigo 6

1. Con respecto ás zonas especiais de conservación, os Estados membros fixarán as medidas de conservación necesarias que implicarán, no seu caso, adecuados plans de xestión, específicos aos lugares ou integrados noutros plans de desenvolvemento, e as apropiadas medidas regulamentarias, administrativas ou contractuais, que respondan as esixencias ecolóxicas dos tipos de hábitats naturais do Anexo I e das especies do Anexo II presentes nos lugares.
2. Os Estados membros adoptarán as medidas apropiadas para evitar, nas zonas especiais de conservación, a deterioración dos hábitats naturais e dos hábitats de especies, así como as alteracións que repercutan nas especies que motivasen a designación das zonas, na medida en que ditas alteracións poidan ter un efecto apreciable no que respecta a os obxectivos da presente Directiva.

3. Calquera plan ou proxecto que, sen ter relación directa coa xestión do lugar ou sen ser necesario para a mesma, poida afectar de forma apreciable aos citados lugares, xa sexa individualmente ou en combinación con outros plans e proxectos, someterase a unha adecuada avaliación das súas repercusións no lugar, tendo en conta os obxectivos de conservación do devandito lugar. Á vista das conclusións da avaliación das repercusións no lugar e supeditado ao disposto no apartado 4, as autoridades nacionais competentes só se declararán de acordo con devandito plan ou proxecto tras asegurarse de que non causará prexuízo á integridade do lugar en cuestión e, se procede, tras sometelo a información pública”.

2.- Impactos ambientais severos.

☞ **Falla de utilidade pública e interés social do parque eólico Estivada:**

A Lei 5/2017, do 19 de outubro modificou a Disposición transitoria segunda relativa da Lei 8/2009, do 22 de decembro, pola que se regula o aproveitamento eólico en Galicia e créanse o canon eólico e o Fondo de Compensación Ambiental, relativa ás Áreas de desenvolvemento eólico para incorporar nestas ás áreas de reserva e áreas de investigación, así como a franxa paralela a estas, previstas no Plan sectorial eólico de Galicia vixente. Sen embargo, **e a pesar desta e doutras recentes modificacións continúa sen someterse o Plan Sectorial eólico á avaliación ambiental estratéxica que esixe a Lei 21/2013, de 9 de decembro de avaliación ambiental** para todos os plans e programas, manténdose a planificación sectorial eólica galega fóra desta lei. Así o artigo 6 da Lei 21/2013, do 9 de decembro, de avaliación ambiental, referido ao ámbito de aplicación da avaliación ambiental estratéxica, indica que ata as modificacións menores dos plans e programas necesitan da preceptiva avaliación ambiental estratéxica:

“1. Serán obxecto dunha avaliación ambiental estratéxica ordinaria os plans e programas, así como as súas modificacións, que se adopten ou aproben por unha Administración pública e cuxa elaboración e aprobación veña esixida por unha disposición legal ou regulamentaria ou por acordo do Consello de Ministros ou do Consello de Goberno dunha comunidade autónoma, cando:

*a) Establezan o marco para a futura autorización de proxectos legalmente sometidos a avaliación de impacto ambiental e refíranse á agricultura, gandería, silvicultura, acuicultura, pesca, **ENERXÍA**, minería, industria, transporte, xestión de residuos, xestión de recursos hídricos, ocupación do dominio público marítimo terrestre, utilización do medio mariño, telecomunicacións, turismo, ordenación do territorio urbano e rural, ou do uso do chan; ou ben,*

b) Requiran unha avaliación por afectar a espazos Rede Natura 2000 nos termos previstos na Lei 42/2007, do 13 de decembro, do Patrimonio Natural e da Biodiversidade.

c) Os comprendidos no apartado 2 cando así o decida caso por caso o órgano ambiental no informe ambiental estratéxico de acordo cos criterios do anexo V.

d) Os plans e programas incluídos no apartado 2, cando así o determine o órgano ambiental, a solicitude do promotor.

2. Serán obxecto dunha avaliación ambiental estratéxica simplificada:

a) As modificacións menores dos plans e programas mencionados no apartado anterior.

b) Os plans e programas mencionados no apartado anterior que establezan o uso, a nivel municipal, de zonas de reducida extensión.

c) Os plans e programas que, establecendo un marco para a autorización no futuro de proxectos, non cumpran os demais requisitos mencionados no apartado anterior”.

Á vista da multitude de proxectos eólicos que se están a tramitar arestora tanto por parte da Xunta de Galicia como do Ministerio para a Transición Ecolóxica e o Reto Demográfico están a producirse importantes desaxustes entre a realidade actual e o contexto contemplado no Plan Sectorial Eólico de Galicia (páxina 91 da Memoria), que indica literalmente:

"En cualquier caso, la Revisión del Plan Sectorial Eólico de Galicia está concebida no sólo en esos términos de complementariedad requeridos por la L.O.T. sino que, asimismo, se sujeta a los Principios de mínima incidencia territorial y de máxima compatibilidad con los Planes Generales de Ordenación Municipal".

Non estamos por tanto no ano 1997, na data de aprobación do regulamento do Plan Sectorial eólico nin estamos ante unha planificación eólica de mínima incidencia territorial nin de máxima compatibilidade cos Plans Xerais de Ordenación municipal. A realidade é que estamos ante a tramitación numerosa de proxectos eólicos tanto autonómicos como estatais que inciden directamente e de xeito importante na vida das familias que viven e residen no medio rural, afectando de forma importante aos seus medios de vida, e que son totalmente incompatibles coas clasificacións urbanísticas municipais. A realidade é que a Xunta de Galicia está a favorecer a implantación de parques eólicos de forma indiscriminada dentro das Áreas de Desenvolvemento Eólico, rodeando os núcleos con turbinas que acadan unha altura de case tres veces a catedral de Santiago e deixando ás aldeas sen horizontes, incumprindo de facto o Convenio europeo da Paisaxe que incide no dereito da cidadanía a ser consultada sobre os obxectivos de calidade paisaxística. Isto incide directamente no seu benestar e na saúde das familias que viven e residen nos núcleos rurais afectados, que vén condicionada as súas vidas, o seu espazo vital e os seus horizontes, polos intereses de empresas alleas que só buscan explotar un recurso co mínimo custo e maximizando beneficios, á costa das familias e dos recursos comúns de todas as persoas e familias galegas.

Por outra banda, o contido do Plan Sectorial Eólico de Galicia nunca chegou a publicarse no DOG para público e xeral coñecemento das súas afeccións, cos conseguintes prexuízos que se están a ocasionar arestora para as familias que viven e residen nos núcleos rurais de Galicia, que descoñecen na meirande parte dos casos as afeccións eólicas que teñen á beira das súas casas e terras (o seu medio de vida), vulnerándose así o artigo 9.3 da Constitución española que refírese a un principio tan básico dunha Democracia como é a publicidade das normas. Así temos o caso de que os Plans urbanísticos municipais sí se publica o contido íntegro dos seus textos nos boletíns oficiais, pero o Plan Sectorial eólico de Galicia, de carácter supramunicipal e máxima incidencia territorial non.

Polo tanto, calquer utilidade pública ou interés social ou autonómico deste proxecto carece de xustificación algunha, xa que non pode amparar proxectos industriais que se desenvolvan ao abeiro dunha planificación sectorial eólica que vulnera de forma flagrante a Lei 21/2013, de 9 de decembro de avaliación ambiental.

Ademais a mercantil promotora non xustifica o interés autonómico do proxecto eólico, que non deixa de ser outro proxecto eólico máis, dos moitos que se están a tramitar arestora por parte da Xunta de Galicia. Estaríamos ante un caso de fraude de lei e desviación de poder que non debera ser amparada pola Dirección Xeral de Planificación Enerxética e Recursos Naturais, órgano substantivo.

Por outra banda, a RESOLUCIÓN do 6 de outubro de 2021, da Dirección Xeral de Planificación Enerxética e Recursos Naturais, pola que se someten a información pública a solicitude de autorización administrativa previa, a autorización administrativa de construción, o estudo de impacto ambiental e o proxecto sectorial de incidencia supramunicipal (proxecto de interese autonómico) do parque eólico Estivada, situado nos concellos de Agolada (Pontevedra) e Antas de Ulla (Lugo), e promovido por Green Capital Power, S.L. (expediente IN408A/2019/17) tampouco xustifica tal interés autonómico. As circunstancias estratéxicas deberan estar debidamente xustificadas no proxecto, o que non é o caso.

Indica a mercantil promotora:

"Según el "Documento Sintético del Borrador actualizado del Plan Nacional Integrado de Energía y Clima 2021-2030", las medidas contempladas en él, permiten lograr una reducción de emisiones de gases de efecto invernadero del 23%, respecto a 1990. Esto supone pasar de los 340,2 millones de toneladas de CO2 equivalente (MtCO2-eq) emitidos al finalizar el año 2017, a los 221,8 MtCO2-eq en 2030. En otras palabras, se retira una de cada tres toneladas de CO2 equivalente entre el momento actual y 2030. Proporcionalmente, es un esfuerzo de mitigación de emisiones muy superior al objetivo actual de la Unión Europea del 40% para 2030 y se encuentra plenamente alineado con la horquilla 50-55% al que se dirige la Unión".

Sin embargo, estase a obviar a importante función de descarbonización da economía que realiza o monte galego, tal e como recoñece expresamente a propia Lei 7/2012, de 28 de xuño de Montes de Galicia na súa Exposición de Motivos.

☞ **Fragmentación en proxectos independentes do que sería un Plan industrial eólico para a mesma área xeográfica:**

Indica a mercantil promotora:

“En la actualidad, Green Capital Power, SL está tramitando la evacuación del parque eólico Zamorra en el proyecto denominado “Solución Evacuación Conjunta PE Zamorra, PE Estivada y PE Carballeda”. En la cual se proyecta la construcción de tres líneas, “LAMT 30 kV PE Zamorra – SET PE Estivada”, “LAT 132 kV SET PE Estivada - SET PE Carballeda” y “LAT 132 kV SET PE Carballeda – SET PE Turubelo”. Desde este punto la energía se evacúa conjuntamente con la procedente de otros parques hasta la Subestación Colectora Silleda mediante la “LAT 132 Kv SET PE Turubelo-LAT 132 Kv SET PE Rodeira/SET Colectora Silleda”, donde la energía se transformará para llegar al punto final, SET Silleda 400 Kv (REE), por medio de una LAAT 400 Kv. Los parques eólicos de Estivada y Carballeda, así como la evacuación conjunta de los tres parques (PE Zamorra, PE Estivada y PE Carballeda) son objeto de proyectos independientes”.

É evidente que existe alomenos un grupo empresarial ou un clúster empresarial con intereses comúns na mesma área xeográfica o que dá lugar a que cheguen a acordos entre eles para compartir infraestruturas e maximizar ganancias. De aí que o que é un Plan industrial que debora someterse a avaliación ambiental estratéxica, como todos os plans e programas, sen embargo preséntase na tramitación administrativa e na exposición pública, fraccionado en varios proxectos independentes que impiden á cidadanía a valoración global e conxunta da totalidade das infraestruturas industriais que van a ocupar o seu territorio e impiden tamén así a avaliación conxunta de todos os seus efectos e impactos, ao mesmo tempo que as promotoras e a Administración (órgano substantivo) gañan en axilidade e simplificación administrativa. Esta práctica espúrea evidencia a vulneración flagrante da Lei 21/2013, de 9 de decembro de avaliación ambiental ao substraer os plans industriais da preceptiva avaliación ambiental estratéxica ao mesmo tempo que vulnera normativa internacional do alcance do Convenio de Aarhus.

Indicar tamén que hai un erro nas coordenadas que delimitan a poligonal do parque. Este erro impide coñecer a superficie que abrangue a poligonal deste e polo tanto a superficie afectada, o que dificulta o estudo dos impactos ambientais.

☞ **FRAGMENTACIÓN DO PROXECTO INDUSTRIAL EÓLICO EN VARIOS PROXECTOS INDEPENDENTES. DIVISIÓN ARTIFICIOSA E FRAUDE DE LEI.**

Tan só se somete a exposición pública o parque eólico Estivaa. Non se somete a avaliación ambiental conxunta o parque e as súas infraestruturas de evacuación, que se tramitan como dous proxectos independentes.

Polo tanto, e a pesar de ser parte das infraestruturas de evacuación deste proxecto substraése da información pública co que se está a privar á cidadanía afectada e ao público da súa consulta e avaliación dos impactos ambientais vulnerándose a Lei 21/2013, de 9 de decembro de avaliación ambiental e a Lei 24/2013, do 26 de decembro, do Sector Eléctrico.

Artigo 21. Actividades de produción de enerxía eléctrica.

“5. Formarán parte da instalación de produción as súas infraestruturas de evacuación, que inclúen a conexión coa rede de transporte ou de distribución, e no seu caso, a transformación de enerxía eléctrica”.

Indica a mercantil promotora:

“La energía generada por el PE Estivada se evacúa hasta la SET PE Estivada 30/132 kV, a partir de la cual se evacúa mediante una LAAT 132 kV, denominada “Solución Evacuación Conjunta PE Zamorra, PE Estivada y PE Carballeda”, línea a la que se entronca la procedente del PE Carballeda para ir hasta la SET PE Turubelo 30/132 Kv. Desde este punto la energía se evacúa conjuntamente con la procedente de otros parques hasta la Subestación Colectora Silleda mediante la “LAT 132 Kv SET PE Turubelo-LAT 132 Kv SET PE Rodeira/SET Colectora Silleda”, donde la energía se transformará para llegar al punto final, SET Silleda 400 Kv (REE), por medio de una LAAT 400 Kv.

La infraestructura de evacuación será objeto de un proyecto aparte”.

☞ **Ausencia do estudo do potencial eólico entre a documentación sometida a exposición pública.**

A mercantil promotora non acredita a existencia do recurso eólico. É máis, está preocupada pola incidencia do cambio climático no réxime dos ventos e a perda e produción.

Indica a mercantil promotora:

“1.1. **VULNERABILIDAD DEL PROYECTO ANTE EL CAMBIO CLIMÁTICO**

Analizada la información disponible, es notorio que se están produciendo cambios en los regímenes de viento, aunque la rapidez en el cambio no es tan preocupante como en el caso de la temperatura. Existe por lo tanto cierto grado de vulnerabilidad del proyecto ante los posibles efectos del cambio climático asociada a cambios en temperaturas y vientos, que se traducirían en la pérdida de producción eléctrica y, consecuentemente, de ingresos, algo que afectaría únicamente al promotor o promotores de la instalación”.

☞ **Ausencia de retorno social do proxecto industrial eólico.**

A mercantil promotora non indica cal é o retorno social do proxecto. O parque non xera emprego algún nin repercute en modo algún de forma positiva na economía da zona.

Indica a mercantil promotora:

“Dada la escasa presencia de personal durante la explotación del parque, las necesidades de agua potable se cubrirán mediante un depósito de 500 litros que se llenará periódicamente con camión- aljibe. Por tanto, no se precisan infraestructuras para el abastecimiento de agua”.

☞ **Afección significativa, severa e prexuízos irreparables para a Paisaxe e á biodiversidade. Incremento do Feísmo Paisaxístico e afección severa ao turismo e á hostalería:**

O parque eólico e a súa infraestrutura de evacuación fragmenta os hábitats, os ecosistemas e implica directamente a perda de biodiversidade. Pero non é só este parque. Existen outros parques no mesmo ámbito xeográfico. O parque proxectado transforma as paisaxes de mosaicos agro –forestais nunha paisaxe inhóspita de marcado carácter industrial inzada de muíños e liñas de alta tensión.

Por outra banda, o proxecto afecta de maneira irreversible a lugares identitarios para a poboación e as familias que viven, residen e/ou traballan no ámbito xeográfico do parque e que resultan obviadas pola mercantil promotora:

Estas paisaxes están construídas a partir das vidas das persoas, as súas percepcións e son moitas veces fundamentais para o sentimento de identidade e o benestar das persoas. Trátase de paisaxes identitarias das persoas que constrúen e viven na paisaxe en si, cuxas miradas probablemente non son panorámicas, nin sequera admiran, pero cuxas percepcións sensoriais descenden aos máis pequenos detalles, identificando paisaxes de vida, soños, símbolos. Así existe unha afección irreversible a paisaxes peculiares e identitarias como:

Coto de Monte Queimado, Cima da Estivada, O Chouso, Monte do Bidueiro, Monte Pedricelo co mirador de Pidre a 544 metros, Monte de Pambre, Monte de Cogorzo, Monte dos Penedos, Devesa de Mácara, Monte do Bidueiro, Monte de Fontenla, Castros de Chorese, Coto do Porto, O Pontillón, Monte da Devesa, Pastizal da Facha, A Devesiña, Monte de Arriga, Agro da Fonte da Vila, A Fraga, Monte de Amance, Monte de Meixide, Coto de Agudel, Monte de San Miguel, A Medorra, Pena da Lebre, Carreira Ancha, Pena de Tarambelo, Monte de Tarambelo, Pena da Auga, Monte de Facha, Fontenla Seca, Tras Pazos, Monte de Cutián, Pulleiros, A Campaza, Pena Porroso, Cavadas, Monte das Mámoas, Gorgullón, A Costa e Fonfría, Monte do Marco, Pena Pelada, Monte da Pena Picota, Pena Muíños, As Devesas, A Lomba, As Meigas, Iberias, O Outeiro, Alto do Malloco, serra do Farelo, Fonte Covo, Monte de Vieiro, Fonte da Pena, Muíño de Gradoi, Muíño da Presa Vella, A Revolta, Muíño dos Ríos, Agro da Pedra, Muíño dos Herdeiros, Coto Pedroso, Coto Minguíño, Ladroira, Fonte Branca, Pena Porrosa, O Cervo, Cova da Loba, Coto Branco, Carboeiras, Pena Longa, Campo Longo, Fonte do Foxo, Cima de Caega, Pena Cerdeira, Puzos, Ayudal, Belleque, Louza Dereita, Fonte Seca, Pena Ventana, A Forte, Porto Salgueiro...etc.

Pero hai que ter en conta tamén que existe unha mancha de infraestruturas eólicas no ámbito xeográfico de afección do proxecto:

PE Zamorra, PE Carballeda, PE Cunca, PE Estivada, parque eólico Monte do Outeiro, parque eólico Pescoso, parque eólico Rodeira, parque eólico Turubelo, parque eólico Cima de Vila, parque eólico Espada, parque eólico Monte Carrio II, parque eólico Axóuxere, parque eólico Farelo, parque eólico Maxal, parque eólico Mesada, parque eólico Monte Carrio (monte Castelo), parque eólico Orrea, parque eólico singular Agolada, parque eólico Serra do Farelo, parque eólico Suíme, LAT 132 kV Evacuación parque eólico Monte do Outeiro, Solución de evacuación Conxunta parque eólico Zamorra, parque eólico Estivada e parque eólico Carballeda, Solución de Evacuación conxunta parque eólico Cunca e parque eólico Rodeira, Lat 132 kV Set Turubelo – LAT 132 kV Set parque eólico Rodeira /Set Colectora Silleda, Lat 30 kV CS Pescoso – Set Turubelo, LMT 30 KV parque eólico Alborín, LAT 132 kV parque eólico Cima de Vila, LAT 66 kV C1CHA LAL 66 (109), LAT 220 kV C1 POR TIP 220 (11), LAT 220 kV C1 POR TIP 220 (39), LAT 400 kV C1 MES2 CAR 400, LAT 400 kV C2 MES2 CAR 400.

Na entorna das infraestruturas de evacuación do parque hai 165 aeróxeradores.

Estariamos a falar xa dunha paisaxe cada vez máis industrial co abandono progresivo e crecente dos tradicionais mosaicos agro – forestais. O impacto paisaxístico e a fragmentación dos hábitats é inasumible desde o punto de vista do benestar das familias afectadas e a perda da biodiversidade é incoherente coa crise climática actual.

Ao anterior hai que engadir que o parque eólico Espada comparte área xeográfica tamén coas seguintes parques incrementando proporcionalmente o feísmo paisaxístico e a perda de biodiversidade:

PES Agolada PE Espada PE Monte do Outeiro PE Monte Carrio PE Tenzas do Aire PE Farelo PE Alborín PE Carballeda PE Turubelo PE Pescoso PE Serra do Farelo PE Farelo II PE Estivada PE Mesada PE Suíme PE Rodeira PE Axóuxere PE Monte Festeiros PE Cunca PE Maxal PE Monterroso PE Careón PE Prado Vello PE Monte Cabeza Ao que hai que engadir as infraestruturas viarias, antenas,...etc. Todo este cúmulo de infraestruturas fragmenta os hábitats e elimina a funcionalidade destes.

☞ **Afección severa e prexuízos irreparables para o Camiño de Santiago:**

Patrimonio da Humanidade desde 1993 e Itinerario Cultural Europeo (ICE), unha etiqueta creada polo Consello de Europa para promover unha cultura europea común.

☞ **Afección severa e prexuízos irreversibles para as Áreas de Interés paisaxístico (AEIP):**

“Monte do Faro”, “Sobreirais do Arnego” “Fragas de Catasós” “Pozo Negro”, “Alto Ulla” e “Mosteiro de Oseira”.

Tamén existe afección para o monumento natural Fraga de Catasós.

A afección paisaxística, ademais de ser importante para os lugares identitarios xa indicados, tamén é relevante en relación ao Monte Faro, Montes de Costado, Alto de Nespereira, A Rocha, Serra da Martiña, Montes de Testeiro... A afección paisaxística do parque será importante para o val de Camba e o val de Trasdeza.

☞ **Afección severa á Rede de Miradoiros:**

Mirador do Careón

Cima do Farelo

Sendeiro de Visantóña

Mirador “Monte Faro”.

Mirador “Cima do Farelo” e “Pena de Francia”.

Mirador “Alto da Serra Martiñá”

Mirador “O Carrio”.

Cómpre ter en conta que o Mirador do Careón está no punto máis alto da Serra do Careón. A Cima do Farelo con 952 metros, é un punto de vixancia histórico entre o Deza e A Ulloa.

Desde a Serra do Faro e a Serra do Farelo contémpanse magníficas paisaxes agro –gandeiras e numerosos bosques de frondosas, o ancient wood galego e un sinfín de ríos, regos e regatos...

O Farelo posibilita contemplar as catro provincias galegas nunha vista de 360 grados e a Serra do Careón, a serra do Xistral, o Faro e a Serra do Candán.

Cómpre ter en conta neste sentido que alomenos os 3 parques da mesma promotora, Zamorra, Espada e Estivada, están moi próximos entre si compartindo incluso poligonal, e que a incidencia e os efectos acumulativos e sinérxicos van a ser maiores. Pódese dicir que serían un mesmo parque xa que comparten as infraestruturas de evacuación. Sen embargo, prodúcese unha división artificial dun único Proxecto industrial en proxectos independentes que tampouco se someten a información pública de maneira conxunta nin se avalían conxuntamente os impactos, diluíndo desta forma o impacto ambiental global de todos eles.

Afección moi severa e prexuízos irreparables para a Rede Natura 2000 e a súa coherencia. Falla de conectividade ecolóxica entre os ecosistemas. Cómpre ter en conta que as especies non entenden de límites xeográficos e que o mantemento da conectividade ecolóxica é fundamental para o mantemento dos ecosistemas e da coherencia da propia Rede.

Zona de Especial Conservación (ZEC) Serra do Careón (ES1110014) situada a escasos metros do parque eólico Espada, Zamorra e Estivada, seguida da ZEC Sobreirais do Arnego (ES1140015) a uns 8 quilómetros. Ademais están presentes na zona outros ZECs como o Sistema fluvial Ulla- Deza (ES1140001) (20 km), Monte Faro (ES1120008) (15 Km) e Parga- Ladra- Támoga (ES1120003) (27 Km).

Serra do Careón

Serra do Careón e subconcas dos ríos Furelos e Seco, que se estende ata o río Tambre polo sur, na súa maior parte dentro dos termos municipais de Toques, Melide e Santiso. Área dun grande interese xeolóxico e dunha excepcional relevancia botánica. O rango altitudinal vai dos 320 aos 798 m s.n.m., cunha media de 550 m.

A serra do Careón, pertencente á Dorsal Galega, é un pequeno cordal montañoso de perfil en chanzos e amesetado e relevos suaves, cuxa máxima altitude non alcanza os 800 m s.n.m. (O Careón, 798 m; Pena Armada, 760 m) e está cuberto por extensas áreas de matogueira. O río Furelos, afluente do Ulla, xuntamente cos numerosos pequenos afluentes da súa cabeceira, que nacen tanto nos montes do Bocelo como no Careón, presenta unha baixa sinuosidade e un caudal considerable (media anual de 6,36 m³/seg). Desde este río esténdese, sobre todo cara ao sueste de Melide, unha ampla chaira de nivel aquitaniano. Esta chaira sitúase sobre un substrato pétreo de gran dureza, responsable desta morfloxía chá, que se conservou ata hoxe sen verse afectada por movementos tectónicos. A área, coñecida como "Gándaras de Melide" está cuberta tamén por amplas matogueiras variablemente higrófilas.

A elevada singularidade da área reside no substrato litolóxico, que constitúe o afloramento de rochas ultrabásicas máis extenso do noroeste ibérico, esténdese entre o sur de Melide e os arredores de Sobrado. A área está atravesada por masivas pero complexas bandas de anfíbolitas, rochas ultrabásicas serpentizadas e rochas metabásicas en facies granulítica, que son substituídas por gneis de biotita máis ao oeste do espazo natural. Parte da área foi incluída polo Instituto Geolóxico y Minero de España no rexistro de Puntos de Interese Xeolóxico, e constitúe o PIG C-17 ("Pregamentos tombados no complexo ultrabásico de Melide"), rasaltándose a aparición de rochas ultrabásicas serpentizadas, anfíbolitas en flocos e anfíbolitas graníferas, así como a existencia dos pregamentos en rochas deste tipo e a singular tectónica.

A área pertence á rexión eurosiberiana, provincia atlántica-europea e subprovincia cántabro-atlántica, e adscíbese ao sector galaico-portugués. Dominio climático oceánico continental, cunha precipitación media de 1.629 mm, concentrada entre os meses de decembro e febreiro, e unha temperatura media de 10,8 °C.

Cómpre indicar ademis, e pola proximidade xeográfica entre os parques xa que incluso comparten a mesma poligonal, que o parque eólico Espada prevé a afección de:

Zona de Especial Protección de Valores Naturais (ZEPVN) e Zona de Especial Conservación (ZEC) “Sobreirais do Arnego”, preto do aeroxerador ES04.

Zona de Especial Protección de Valores Naturais (ZEPVN) e Zona de Especial Conservación (ZEC) “Serra do Careón”, ao norte do aeroxerador ES07.

Ao mesmo tempo, o parque eólico Zamorra prevé afeccións irreversibles para:

ZEC “Serra do Careón”.

Reserva da Biosfera “Terras do Miño”.

ZEC “Sistema fluvial Ulla –Deza”

☞ **Afección moi severa e prexuízos significativos para os recursos hídricos. Vulneración flagrante da Directiva Marco da Auga (DMA). AUSENCIA DUN ESTUDO HIDROLÓXICO E HIDROXEOLÓXICO QUE GARANTA A CALIDADE DAS MASAS DE AUGA SUPERFICIAIS E SOTERRADAS E A NON AFECCIÓN AOS ACUÍFEROS:**

A mercantil promotora obvia as captacións de auga para o uso humano e agrogandeiro e os mananciais e fontes que hai na poligonal do parque eólico e no traxecto da liña de evacuación.

Afección severa aos recursos hídricos:

Rego do Porto, rego do Val, rego das Lamas, río Ulla, regato de Santa Mariña, rego de Frádegas, rego de Carreiras, rego da Campaza, rego da Fonte Sabugueira, rego da Fonte das Alvarizas, rego do Muíño, rego de San Miguel, rego do Monte, rego de Amance, rego do Couso, rego do Espiño, rego do Peizal, rego Traveso, rego de Barreiro, rego Ferreiroa, rego de Medeiro e outros regos innominados afluentes do río Ulla.

Cómpre lembrar que o parque eólico Zamorra tamén afectaba a unha serie de cauces e brañas obviados pola mercantil promotora como:

Rego de Sa, rego da Porta da Uz, rego do Oural, rego de Barrio, Regueiras, rego do Monte, rego de San Miguel, rego da Ponticela ou de Eidián,...a meirande parte deles tributario do río Ulla.

Pero ademais existen unha serie de cauces obviados pola mercantil promotora:

- 1.- rego innominado que nace na paraxe da Serra (polígono 5, parcela 333).
- 2.- rego innominado que nace na serra de Brocos e que dá lugar á Fonte de Ferreiro, que desemboca en Portodemouros (polígono 1, parcela 799).
- 3.- rego innominado que nace na serra dos Carrizos, polígono 503, parcela 78.
- 4.- rego innominado que nace na paraxe de Gorgullón, polígono 504, parcela 105.
- 5.- rego innominado que nace no paraxe Prado da Cal. Este rego ao longo do val fluvial tributa no rego da Frisca.
- 6.- rego innominado que nace na paraxe de Parada, polígono 26, parcela 596.
- 7.- rego innominado que nace na braña da Puza, polígono 7, parcela 77

- 8.- rego innominado que nace na braña da Xunqueira, polígono 26, parcela 657
- 9.- rego innominado que nace na paraxe de Pena Filgueira, polígono 5, parcela 935
- 10.- rego innominado que nace na paraxe de Carpaciño, polígono 29 da parcela 1402
- 11.- rego innominado que nace na paraxe de Ameneira, polígono 29 parcela 1402
- 12.- rego innominado que nace na paraxe de Cotiño, polígono 19, parcela 608. Afluente do rego do Oural.
- 13.- rego innominado que nace na paraxe de Chousa, polígono 12, parcela 339

Afección á masa de auga soterrada denominada MasSub 014.005 "Ulla".

A mercantil promotora non avalia a calidade das masas de auga afectadas polo proxecto.

☞ **Afección severa e prexuízos irreversibles para o sistema de brañas e humidais da zona de afección do proxecto:**

Existe unha afección severa e moi severa a humidais, brañas e espazos sensibles dominados por hábitats prioritarios e de interese comunitario como:

Brañas da Cova da Loba en Antas de Ulla onde nace un rego innominado.

Brañas de Chaos en Antas de Ulla onde nace un rego innominado.

Brañas de Fonte Ameneira, onde tamén nace un rego innominado.

Brañas de Fonte Cuberta, onde tamén nace un rego innominado.

Brañas de Brandelo, onde nace outro rego innominado.

Brañas do Xunquedo, brañas da Rega da Virxe, onde tamén nace un rego innominado.

Brañas da Fontanga, preto do rego do Espiño, brañas de Carreiro.

Brañas da Rega da Toca, brañas da Rega de Agudel, brañas do Fondo da Rega de Agudel, brañas de Pozos, onde nace un rego innominado.

Brañas da Bretaña, brañas da Ladroira, brañas Agudas, brañas da Lama das Uchas onde nace un rego innominado.

Ao igual que xa se indicou na fase de alegacións ao proxecto eólico Zamorra e tendo en conta que tanto este como o parque eólico Espada e o Estivada están moi próximos e incluso comparten polígono, cómpre lembrar que o p.e. Zamorra afectaba a unha serie de brañas e humidais, todos eles espazos sensibles como:

- 1.- Lama das Cuñas, regada primeiro polo rego de Barrio que nace en Penova e logo polo rego do Oural, onde desemboca ou tributa.
- 2.- Braña de Lameiro, preto do rego do Oural e atravesada por Porto Sosco.
- 3.- Braña da Lagoa
- 4.- Braña da Rega, onde nace o arroio Galegos que atravesa o Regueiro e desemboca no río Ulla.
- 5.- Braña da Xunqueira, onde aflora un rego innominado
- 6.- Braña da Puza, onde aflora un rego innominado.
- 7.- Zarra da Braña

Cómpre ter en conta que as infraestruturas afectan de forma irreversible a estes espazos. Ademais os aeroxeradores aséntanse practicamente sobre humidais, brañas e lagoas. A propia toponimia xa indica que estamos en presenza de humidais, Brañas e Lagoas. A afección aos recursos hídricos é irreversible. As importantes remocións de toneladas de terra para a instalación das cimentacións e plataformas dos aeroxeradores pode romper acuíferos e afectar seriamente ás masas de auga soterradas. Os humidais son fontes de vida, xa que o 40 % das especies do mundo viven ou se reproducen nestes espazos. Tamén son fonte de auga limpa e de alimento, de feito, unha de cada sete persoas depende dos humidais para o seu sustento. Os servizos que brindan os humidais son incalculables e insubstituíbles.

Centos de hectáreas de lagoas, lagos, brañas, xunqueiras, bosques húmidos e turbeiras están en serio risco de desaparición por mor da expansión denscontrolada de eólicos en Galicia. En Galicia só hai 5 humidais protexidos ao abeiro do Decreto 110/2004, do 27 de maio. Posteriormente no ano 2008 a Xunta de Galicia aprobaba o Decreto 127/2008, do 5 de xuño, polo que se desenvolve o réxime xurídico dos humidais protexidos e se crea o Inventario de humidais de Galicia, vixente na actualidade. desde o ano 2008, data de creación do Inventario como rexistro público de consulta dos humidais, a Xunta abandonouno por completo e non se molestou en inventariar debidamente os humidais galegos incumprindo de cheo a Directiva 2000/60/CE, pola que e establece un marco comunitario de actuación no ámbito da política de augas (en diante DMA).

O obxectivo ambiental da DMA é “establecer un marco para a protección das augas superficiais continentais, as augas de transición, as augas costeiras e as augas subterráneas que preveña todo deterioración adicional e protexa e mellore o estado dos ecosistemas acuáticos e, con respecto ás súas necesidades de auga, dos ecosistemas terrestres e humidais directamente dependentes dos ecosistemas acuáticos”.

A inscrición dun humidal no Inventario de humidais de Galicia deixará constancia, como mínimo da súa dentificación, denominación e descrición, codificación e denominación do humidal, descrición xeral do humidal, tipoloxía, localización e superficie, localización xeográfica, administrativa e hidrolóxica, superficie do humidal, hábitats, vexetación e flora, fauna, réxime de protección, plans e medidas de conservación, estado de conservación e cartografía.

Ao non delimitarse debidamente os humidais do Inventario dificilmente se poden identificar, controlar e moito menos cumprir cos obxectivos de calidade destas masas de auga que esixe a DMA e por tanto, xa non habería ningún obxectivo ambiental que cumprir, abandonando a súa sorte estes espazos que prestan grandes e valiosos servizos ecosistémicos.

O desleixo da Xunta de Galicia con respecto aos humidais e de tal envergadura que na praxe a cidadanía ten que pasar polo que indican as empresas nos proxectos, sen poder constatar a veracidade do que neles se realta. As obras de construción dos parques eólicos sobre estes espazos ou con afección aos mesmos, provoca a desaparición dos valores naturais destes. A apertura de viais, as cimentacións dos muíños, as gavias de cabreado, a construción das subestacións eléctricas, as liñas de evacuación e os centros de seccionamento están a provocar a fragmentación e drenaxe destas zonas húmidas con un impacto ambiental irreversible e inasumible nunha época de crise climática como a actual.

As turbeiras son importantes sumidoiros de carbono e por tanto son cruciais para facer fronte a unha emerxencia climática que está a acelerar a perda de biodiversidade. Os humidais están a desaparecer máis rápido que ningún outro ecosistema e a implantación de parques eólicos non seu ámbito xeográfico non é a solución adecuada para contribuír ao cambio climático. Existen numerosas zonas de humidais, xuncais, brañas e lagoas e directamente afectadas polos aeroxeradores. En consoancia co artigo 21 da Lei 7/2021, do 20 de maio, de cambio climático e transición enerxética, relativo á consideración do cambio climático na planificación e xestión territorial e urbanística, así como nas intervencións no medio urbano, na edificación e nas infraestruturas do transporte, os humidais, as brañas e as lagoas, ao igual que as nascencias dos ríos deberan ser consideradas zonas de sensibilidade e exclusión de infraestruturas eólicas, pola súa importancia para a biodiversidade, conectividade e provisión de servizos ecosistémicos.

☞ **Afección severa e irreversible ao benestar das familias que viven, residen e traballan nos núcleos rurais afectados:**

Cómpre ter en conta que a mercantil promotora só avalía as afeccións, e aínda así de maneira insuficiente, para as poboacións máis próximas e obviando o resto de núcleos que están dentro da poligonal do parque, entendendo esta como a superficie afectada por este. A altura dos aeroxeradores e a súa proximidade aos núcleos habitados implica unha particular afección sobre o

benestar e a saúde das familias afectadas. Cómpre indicar tamén a presenza doutros parques eólicos na entorna, que tamén se atopan na cunca visual deste parque, coa conseguinte acumulación de afeccións. A mercantil promotora recoñece impactos significativos para os núcleos de poboación afectados polo p.e. Estivaa: ruidos das voaduras puntuais durante a fase de execución do parque, contaminación acústica e electromagnética durante o funcionamento, ou efecto de “sombra” das pás, alteracións das sinais de radio e televisión... etc. Ao que hai que engadir o impacto paisaxístico co que hai que convivir o resto da vida...

Afección ás familias que viven, residen e/ou traballan en Basadroa, A Lama, Vilariño, a parroquia e San Martiño de Ramil, Toande, Santa Mariña do Castro de Amarante, Couso, Romariz, Lamas, Ventosa, Laxe, Vilar, Buxán, O Val, San Miguel, Castro, Vilanova, Penela, A Regueira, Couso, Trascastro, San Mamede das Trabancas, Ludeiro, Chacín, Amarante, O Val, A Ermida, Couso de Abaixo, A Lomba, A Bugalleira, Cristín, A Torre, Meixide, a parroquia de Borraxeiros, a Parroquia de Sta. María e Basadre, Outeiro, Toande, parroquia de San Xiado e Facha, parroquia de Santiago de Reboredo, Medeiro, Baldriz, Vilasante, A Regueira, Casas Novas,...etc.

O que sí resulta evidente é que é imposible vivir cos aeroxeradores a estas distancias:

Frádegas	733,88 metros
San Miguel	951,35 metros
Facha	1.026 metros
Vilasante	1060,45 metros
A Regueira	878,99 metros
Casas Novas	1524,22 metros

Ao anterior hai que engadir o impacto económico negativo xa que fragmenta ás explotacións repercutindo negativamente na calidade destas e no benestar dos animais das granxas próximas.

☞ **ÉXODO POBOACIONAL PARELLO Á INSTALACIÓN DE INDUSTRIAS AGRESIVAS COA ENTORNA E CO MEDIO AMBIENTE. PRESIÓN INDUSTRIAL EXCESIVA:**

Impacto non avaliado pola mercantil promotora. O interés público e a utilidade social do proxecto carece de base e xustificación. Así o acredita o forte rexeitamento social á instalación masiva de parques eólicos nos núcleos rurais de Galicia. Nun rural no que a Xunta de Galicia permiten inzar muíños en calquer lugar como así o acredita o feito de que na mesma área xeográfica existan máis instalacións eólicas.

***Ausencia dun inventario ambiental serio e cumprindo co esixido no artigo 35 e Anexo VI da Lei 21/2013, do 9 de decembro, de avaliación ambiental: deficiencia do estudo da fauna, da flora, da biodiversidade...**

***A promotora obvia a importancia micolóxica da área de afección do proxecto.**

***A promotora obvia a importancia económica e ambiental da apicultura do lugar de afección do proxecto.**

*** A promotora obvia a importancia do cultivo da castaña e dos soutos.**

☞ **VULNERACIÓN FLAGRANTE DA LEI 7/2012, DE 28 DE XUÑO DE MONTES DE GALICIA. ELIMINACIÓN DA MULTIFUNCIONALIDADE DO MONTE.**

O monte é un sector estratéxico na economía galega que contribúe a mitigar o cambio climático e á descarbonización da economía. Aspecto non avaliado pola promotora. A mercantil promotora non avalía o impacto da estación eólica e as súas infraestruturas de evacuación sobre o benestar das familias dos núcleos habitados e o posible éxodo poboacional que se pode dar derivado da mancha de estacións eólicas que hai no territorio e outras infraestruturas, que dificultan a vida no rural e a sustentabilidade e viabilidade das explotacións forestais e agro – gandeiras (fomentando o feito coñecido como despoboamento do rural ou España baleirada). A este respecto debera informar a Dirección Xeral de Defensa do Monte da Consellería de Medio Rural da Xunta de Galicia e á luz da exposición de motivos e o artigo 5 da Lei 7/2012, de 28 de xuño se informe sobre a prevalencia do uso forestal sobre o uso eólico e a incompatibilidade deste, dentro da superficie afectada pola poligonal do parque eólico, en tanto en canto como ben di a exposición de motivos da referida lei, o monte galego é unha fonte de riqueza que xera emprego estable, descarboniza a economía, cumpre co protocolo de Kioto e realiza unha contribución importante ao PIB galego.

Como ben indica o artigo 25 da Lei 7/2021, do 20 de maio, de cambio climático e transición enerxética, relativo ao “Desenvolvemento rural: política agraria, política forestal e enerxías renovables”:

“O Goberno incorporará na aplicación da Política Agraria Común, así como noutras estratexias, plans e programas en materia de política agraria e de desenvolvemento rural, e no Plan Forestal Español, medidas encamiñadas a reducir a vulnerabilidade ao cambio climático dos chans agrícolas, dos montes e dos chans forestais e para facilitar a preservación dos mesmos, entre elas, a elaboración dun mapa de vulnerabilidade, así como a avaliación e promoción de sistemas agrícolas e prácticas de xestión forestal sostibles para aumentar a súa resiliencia fronte ao cambio climático, que fomentarán en todo caso as sinerxias coa redución de emisións de gases de efecto invernadoiro nestes ecosistemas”.

LEI 7/2012, do 28 de xuño, de montes de Galicia.

Exposición de motivos

O monte, ademais da importancia económica e social referenciada en Galicia, ten unha función medioambiental que se recoñece e acrecenta progresivamente. A relación da sociedade galega co monte evolucionou considerablemente desde o último terzo do século pasado, xerando unha nova configuración baseada na esixencia do desenvolvemento sustentable e do aproveitamento racional dos recursos forestais. Así, os bosques aparecen como un elemento básico da estratexia ambiental como reservorios e depósitos de fixación de carbono, que chegan a fixar hoxe máis de 42 millóns de toneladas, o que os converte en piares fundamentais para o cumprimento dos compromisos adquiridos no protocolo de Quioto.

O monte é, ademais, un espazo que determina a paisaxe e a identidade da nosa comunidade, ao tempo que ten un compoñente social de recreo, de lugar de encontro, lúdico e de gozo dos cidadáns. A lei trata de compatibilizar a funcionalidade medioambiental, social e estética do monte, cuxos beneficios intanxibles son aproveitados por toda a sociedade, e uns lexítimos beneficios directos que corresponden aos seus titulares. De aí que a lei persiga, como un dos seus obxectivos fundamentais, adaptar a realidade forestal galega ás esixencias, cada vez maiores, dunha sociedade, madura e moderna, como a de Galicia, que debe coonestarse cos dereitos á percepción de rendas, froitos e utilidades dos propietarios forestais e dos silvicultores.

Artigo 5. Función social dos montes

1. Os terreos forestais galegos constitúen un recurso estratéxico que deberá contribuír ao desenvolvemento socioeconómico de Galicia, xerando rendas e emprego na Comunidade Autónoma mediante un aproveitamento sustentable dos seus recursos e servizos.
2. Os montes desenvolven unha función social relevante, nos termos do artigo 4 da Lei 43/2003, do 21 de novembro, de montes.
3. A consellaría competente en materia forestal promoverá a dispoñibilidade de montes ou terreos forestais para fins sociais, educativos, ambientais e recreativos, compatibilizados coa súa potencialidade e utilización forestal.
4. A conservación, a expansión e o aproveitamento das masas forestais, segundo os criterios de xestión forestal sustentable e o disposto nesta lei, son de interese público, sen prexuízo do réxime da propiedade.

E cómpre ter moi en conta o artigo 4 da Lei 43/2003, que indica:

“Artículo 4. Multifuncionalidad de los montes.

Los montes, independientemente de su titularidad, desempeñan una función social relevante, tanto como fuente de recursos naturales y sustento de actividades económicas como por ser proveedores de múltiples servicios ambientales, entre ellos, de protección del suelo y del ciclo hidrológico; de fijación del carbono atmosférico; de depósito de la diversidad biológica y como elementos fundamentales de la conectividad ecológica y del paisaje.

El reconocimiento de estos recursos y externalidades, de los que toda la sociedad se beneficia, obliga a las Administraciones públicas a velar en todos los casos por su conservación, protección, restauración, mejora y ordenado aprovechamiento”.

Polo tanto,

O uso forestal e a funcionalidade actual dos montes afectados polo parque eólico ESTIVADA PREVALECEN sobre o uso previsto no proxecto eólico citado e RESULTA INCOMPATIBLE a actual utilidade e funcionalidade dos montes cos usos eólicos previstos.

☞ AFECCIÓN SEVERA E PREXUIZOS SERIOS E IRREPARABLES PARA AS EXPLOTACIÓNS AGRO-GANDEIRAS DA ÁREA DE AFECCIÓN DO PROXECTO:

A estación eólica e as súas infraestruturas de evacuación fragmentan as explotacións agro –gandeiras coa conseguinte perda da base territorial destas e a perda de rendementos. A fragmentación que produce a infraestrutura eólica resulta incompatible cos obxectivos da Política agraria comunitaria (PAC). A empresa promotora non avaliou os impactos do proxecto sobre estas explotacións económicas e como repercute a estación eólica nas economías familiares dos núcleos afectados.

É por tanto un proxecto industrial agresivo non só coa paisaxe senón también incompatible co medio de vida e o benestar das familias porque implica unha transformación severa e incluso agresiva para o seu sustento económico e á base das economías familiares do rural afectado.

☞ Prexuizos significativos e danos irreversibles para os hábitats prioritarios e de interés comunitario:

4030 Brezais secos europeos, 4020* Brezais húmidos atlánticos de zona tépedas de Erica ciliaris e Erica tetralix, 4090 Brezais oromediterráneos endémicos con aliaga, 9230 Carballeiras galaicoportugueses con Quercus robur e Quercus pirenaica, 8230 Rochedos silíceos con vexetación pioneira 91E0* Bosques aluviais de Alnus glutinosa e Fraxinus excelsior 3110 Augas oligotróficas cun contido de minerais moi baixo 6230* Formacións herbosas con Nardus 8220 Ladeiras e saíntes rochosos silíceos con vexetación casmofítica 3150 Lagos e lagoas eutróficos naturais, con vexetación Magnopotamion ou Hydrocharition 5110 Formacións estables xerotermófilas de Buxus sempervirens en pendentes rocosas, 6430 Megaforbios eutrofos higrófilos das orlas de chaira e dos pisos montano a alpino, 3170* Estanques temporais mediterráneos.

O proxecto elimina de forma irreversible unha parte importante destes hábitats vulnerando de forma flagrante a normativa que obriga a súa preservación nun estado de conservación favorable.

☞ Prexuizos significativos e irreparables para o bosque de ribeira e o bosque autóctono galego ou ancient wood:

**Vulneración flagrante da Directiva 92/43/CEE, relativa á Conservación de Hábitats Naturais e da Fauna e Flora Silvestres.

*“Artigo 2 1. A presente Directiva ten por obxecto contribuir a garantir a biodiversidade mediante a conservación dos hábitats naturais e da fauna e flora silvestres no territorio europeo dos Estados membros ao que se aplica o Tratado. **2. As medidas que se adopten en virtude da presente Directiva terán como finalidade o mantemento ou o restablecemento, nun estado de conservación favorable, dos hábitats naturais e das especies silvestres da fauna e da flora de interese comunitario”.***

No presente proxecto a afección aos bosques aluviais de *Alnus glutinosa* e *Fraxinus excelsior* Hábitat 91E0* é moi preocupante, xa que implica a eliminación irreversible de exemplares, contrariamente ao que prescribe a Directiva citada.

Pero tamén é moi preocupante a afección severa e irreversible ás Carballeiras galaico-portuguesas con *Quercus robur* e *Quercus pyrenaica* 9230, hábitat non prioritario pero que igualmente existe o deber das Administracións públicas do seu mantemento nun estado de conservación favorable. A afección máis importante e severa prodúcese sobre dos numerosos cauces innominados afectados polas infraestruturas e que están sen codificar.

☞ **Prexuízos significativos para o Lobo. Plan de Xestión do Lobo de Galicia.**

O proxecto afecta directamente a zonas de encame e puntos de encontro da especie. Así o demostra non só a realidade física senón tamén os numerosos topónimos que referencian a presenza lobeira na zona como a Cova da Loba, entre outros. Existen multitude de referencias á presenza dos puntos de encontro lobeiros e testemuñas desta realidade. Neste sentido este proxecto afecta directamente e de forma irreversible aos hábitats da especie. Falla de avaliación por parte da promotora. Hai que ter en conta que a corta de matogueira e a ocupación do terreo ten impactos significativos para a especie. Non se siguen os criterios dos expertos que indican:

“• *Recoméndase que na fase de planificación dun novo parque eólico (fase proxecto) consúltense as fontes dispoñibles acerca da presenza de mandas de lobos na zona. Desta maneira, tendo en conta os requirimentos da especie e o que se coñece do efecto dos parques eólicos sobre os lobos, poden minimizarse, e mesmo, evitarse impactos negativos sobre este cánido.*

• *É conveniente que durante a planificación dun parque eólico identifiquense as principais manchas de vexetación arbustiva e evítese, na medida do posible, a súa fragmentación e destrución”.*

A totalidade das infraestruturas eólicas fragmentan os hábitats das especies producindo prexuízos significativos para unha especie de marcado carácter territorial. Os lobos son TERRITORIAIS, e os lobos que nun territorio alleo no que non estean abertos a aceptar elementos novos, serán eliminados. O 70% dos lobos que morren por causas naturais o son por esta causa.

O Convenio de Berna relativo á Conservación da Vida Silvestre e o Medio Natural de Europa, foi asinado en Estrasburgo (Francia) en 1979. Este convenio incluíu ao lobo no Anexo II “Especies de fauna estritamente protexidas”, constando as prohibicións correspondentes no seu art. 6. Este Convenio debe o seu valor a tres características fundamentais: o seu carácter xeneralista, a concepción da lista 9 única de especies e a incorporación da política conservacionista na planificación económica.

O artigo 56 da Lei 42/2007 de Patrimonio Natural e da Biodiversidade establece a protección para todas as especies amparadas por tratados e convenios internacionais, como o de Berna, ratificado por España, polo que en caso de non ter dita consideración estaríamos ante un incumprimento flagrante das obrigacións derivadas do Convenio de Berna, e da subseguinte Directiva Hábitats 92/43/CEE, en relación a unha especie protexida e de interese comunitario como o Lobo.

☞ **Prexuízos significativos e incompatibles coa avifauna:**

Circus pygargus

Status de protección legal: Anexo I Directiva Comunitaria 2009/147/CEE

Catálogo Galego de Especies Ameazadas: “Vulnerable”

Catálogo Nacional de Especies Ameazadas: “Vulnerable”

Circus cyaneus

Status de protección legal: Anexo I Directiva Comunitaria 2009/147/CEE

Catálogo Galego de Especies Ameazadas: “Vulnerable”

Especie en Réxime de Protección Especial

Circaetus gallicus

Status de protección legal: Anexo I Directiva Comunitaria 2009/147/CEE

Especie en Réxime de Protección Especial

Hieraaetus pennatus

Status de protección legal: Anexo I Directiva Comunitaria 2009/147/CEE

Especie en Réxime de Protección Especial

Milvus migrans

Status de protección legal: Anexo I Directiva Comunitaria 2009/147/CEE

Especie en Réxime de Protección Especial

Aegyptius monachus

Status de protección legal: Anexo I Directiva Comunitaria 2009/147/CEE

Catálogo Nacional de Especies Ameazadas:

“Vulnerable” Gyps fulvus

Status de protección legal: Anexo I Directiva Comunitaria 2009/147/CEE

Especie en Réxime de Protección Especial

Falco peregrinus

Status de protección legal: Anexo I Directiva Comunitaria 2009/147/CEE

Especie en Réxime de Protección Especial

Falco columbarius

Status de protección legal: Anexo I Directiva Comunitaria 2009/147/CEE

Especie en Réxime de Protección Especial

Bubo bubo

Status de protección legal: Anexo I Directiva Comunitaria 2009/147/CEE

Catálogo Galego de Especies Ameazadas: “Vulnerable”

Especie en Réxime de Protección Especial

☞ **Afección severa ao patrimonio cultural e arqueolóxico e a súa descontextualización:**

O estudo arqueolóxico obvia en todo momento calquer referencia ás construcións de pedra en seco propias da área xeográfica onde se localizarían as infraestruturas do parque eólico.

A RESOLUCIÓN do 31 de agosto de 2016, da Dirección Xeral do Patrimonio Cultural, inclúe no Censo do patrimonio cultural a técnica tradicional da construción coa pedra en seco como manifestación do patrimonio cultural inmaterial.

No artigo 9.3.a) da Lei 5/2016, do 4 de maio, do patrimonio cultural de Galicia, recoñécense como manifestacións do patrimonio cultural inmaterial de Galicia os usos, representacións, expresións, coñecementos e técnicas, xunto cos instrumentos, obxectos, artefactos e espazos culturais que lles son inherentes, que as comunidades, os grupos e, nalgúns casos, os individuos recoñezan como parte integrante do seu patrimonio cultural. En particular no seu punto 7º recoñécense as técnicas artesanais tradicionais, actividades produtivas e procesos.

A técnica tradicional da construción coa pedra en seco conforma, sen dúbida, un dos exemplos de técnicas, coñecementos e usos máis relevantes das formas de vida tradicional e a relación das comunidades co medio para a creación da súa paisaxe. O coñecemento do material, o desenvolvemento dos procesos axeitados para a súa selección e transporte e a habilidade para a construción de estruturas estables e permanentes posúen unhas características propias e recoñecibles, ademais de posuír unha beleza estética propia do tectónico e o creativo.

Esta técnica tradicional da construción coa pedra en seco, por todo o indicado, é un exemplo significativo das formas de vida tradicionais e así foi recoñecida pola Unesco.

As infraestruturas do parque afectan de forma significativa e causarían prexuízos irreversibles aos valados das fincas e dos camiños construídos precisamente con esta técnica.

GA36020216 Agolada Arqueolóxico DXPC, PBA

GA36020217 Agolada Arqueolóxico DXPC, PBA

GA36020218 Agolada Arqueolóxico DXPC, PBA

GA36020219 Agolada Arqueolóxico DXPC, PBA

GA36020220 Agolada Arqueolóxico DXPC, PBA

GA36020221 Agolada Arqueolóxico DXPC, PBA

GA36020231 Agolada Arqueolóxico DXPC, PBA

GA36020232 Agolada Arqueolóxico DXPC, PBA

GA36020233 Agolada Arqueolóxico DXPC, PBA

GA36020235 Agolada Arqueolóxico DXPC, PBA

GA36020243 Agolada Arqueolóxico DXPC, PBA

GA36020296 Agolada Arqueolóxico DXPC, PBA

GA36020077 Agolada Arqueolóxico DXPC, PBA

GA36020303 Agolada Arqueolóxico DXPC, PBA

TÚMULO 01 Agolada Arqueolóxico Inédito

TÚMULO 02 Agolada Arqueolóxico Inédito

TÚMULO 03 Agolada Arqueolóxico Inédito

TÚMULO 04 Agolada Arqueolóxico Inédito

TÚMULO 05 Agolada Arqueolóxico Inédito

REF01 TÚMULO Agolada Arqueolóxico Inédito

Pero ademáis cómpre lembrar a afección patrimonial do parque eólico Zamorra:

1 Mámoa 1 del “Monte das Mámoas” GA36020024

2 Mámoa 2 del “Monte das Mámoas” GA36020175

3 Mámoa 3 del “Monte das Mámoas” GA36020176

4 Mámoa 4 del “Monte das Mámoas” GA36020177

5 Mámoa 5 del “Monte das Mámoas” GA36020178

6 Mámoa 6 del “Monte das Mámoas” GA36020208

7 Mámoa 7 del “Monte das Mámoas” GA36020295

8 Mámoa de Berredo GA36020021

9 Mámoa de Berredo 2 GA36020317 ARQ 10

Mámoa de Martiña GA36020023

11 Petroglifo Pena das Cruces GA36020045

12 Mámoa de Buxel GA36020214

13 Sepulturas de Buxel / Necrópolis de Penelas GA36020025

14 Castro de Buxel GA36020033

15 Mámoa da Ponte da Vila 1 GA36020022

16 Mámoa da Ponte da Vila 2 GA36020170

17 Mámoa da Ponte da Vila 3 GA36020171

18 Mámoa da Ponte da Vila 4 GA36020172

19 Mámoa da Ponte da Vila 5 GA36020173

20 Mámoa da Ponte da Vila 6 GA36020174

21 Mámoa do Monte da Costa 1 GA36020044

22 Castro do Sino GA360200

Casa de Castro

Capilla de San Ramón

Conjunto de arquitectura en “Quintá”

Puente en “O Corval”

Puente en “Ponte do Muíño”

Iglesia Parroquial de Santa

1 Hórreo 1 en “Os Carrizos”

2 Hórreo 2 en “Os Carrizos”

3 Hórreo 3 en “Os Carrizos”

4 Hórreo 4 en “Os Carrizos”

5 Hórreo en “O Corval”

6 Hórreo 1 en “O Almacén”

7 Hórreo 2 en “O Almacén”

8 Hórreo en “A Casa de Ascortra”

9 Hórreo 1 en “Artoño”

10 Hórreo 2 en “Artoño”

11 Molino en “A Ponte do Muíño”

12 Hórreo en “Campo Simón”

Cruceiro de la Capilla de San Ramón

Cruceiro en “O Sino”

TOP 1 O Castro

TOP 2 Ponte do Muíño

☞ **Patrimonio cultural inmaterial: sen avaliar**

☞ **Prexuízos significativos e irreversibles para os chans e o medio ambiente:**

O chan é un recurso natural non renovable e finito cuxo proceso de formación tómase centos de anos. Son unha parte fundamental no equilibrio dos ecosistemas: funciona como filtro e amortiguador ao reter substancias, protexe as augas subterráneas e superficiais contra a penetración de axentes nocivos e transforma compostos orgánicos descompoñéndoos ou modificando a súa estrutura conseguindo a mineralización.

A implantación dos eólicos proxectados do parque eólico ESTIVADA alteraría os ciclos bioxeoquímicos dos chans. A degradación que sofren os chans supón unha ameaza á capacidade deste recurso para satisfacer as necesidades das futuras xeracións.

A materia orgánica do chan ou humus é fundamental para manter a estrutura do chan, reter a auga necesaria, actuar como reserva nutritiva e imprescindible para manter a produtividade da terra. Certos usos do chan, como as cimentacións eólicas, diminúen de forma drástica o contido de materia orgánica do chan. As remocións de toneladas de terra que esixe a implantación do parque eólico proxectado non é cuestión baladí e eses chans non se van a recuperar polo que nun futuro, no caso de implantarse, teremos unha gran área de chan desertificada e erosionada de terro infértil.

Coa implantación das cimentacións dos parques, as excavacións e remocións de toneladas de terras durante a súa instalación, elimínase a materia orgánica dos chans e pérdese a produtividade destes. Non só se produce un cambio de usos (agrícolas de cultivo, de pasteiros ou forestais). Tamén se produce unha transformación urbanística non amparada legalmente, ao quedar os chans erosionados e perder de forma irreversible a súa produtividade orixinaria.

A Lei do chan de Galicia aposta na súa exposición de motivos pola protección territorial e, en particular, pola defensa e respecto do chan rústico, xa sexa pola afección ao dominio público ou pola presenza de valores merecedores de especial salvagarda. Así o indica literalmente:

“A Lei do chan aposta pola protección territorial e, en particular, pola defensa e respecto do chan rústico, xa sexa pola afección ao dominio público ou pola presenza de valores merecedores de especial salvagarda”.

O artigo 31 da citada lei referido a “Concepto e categorías” establece:

“1. *Terán a condición de chan rústico:*

a) *Os terreos sometidos a algún réxime de especial protección, de conformidade coa lexislación sectorial de protección do dominio público marítimo-terrestre, hidráulico ou de infraestruturas, ou coa lexislación sectorial de protección dos valores agrícolas, gandeiros, forestais, paisaxísticos, ambientais, naturais ou culturais”.*

Así, o artigo 34 da Lei 2/2006 do chan de Galicia indica respecto ao “Chan rústico de especial protección” que:

“4. *Cando un terreo, polas súas características, poida corresponder a varias categorías de chan rústico, aplicaranse os distintos réximes de forma complementaria”*, pero entendendo en base ao indicado na exposición de motivos da lei, que no caso de non poder complementarse prevalecerá aquel que máis protexa o chan rústico e en ningún caso, aquel que poida alterar de forma irreversible a funcionalidade deste como é o caso das infraestruturas eólicas proxectadas.

De feito, o artigo 35.2 indica que: “*Os restantes usos en chan rústico son usos prohibidos*”, sobre todo aqueles que alteren de forma irreversible a súa funcionalidade, como é o caso das remocións de terra descritas no proxecto eólico ESTIVADA.

Conclusión:

O parque eólico ESTIVADA proxectado é incompatible cos usos e a fertilidade actual dos chans. As cimentacións do parque xunto coa remoción de toneladas de terra previstas para a súa implantación, altera de forma irreversible a cuberta vexetal e os recursos hídricos, producindo erosión da cuberta vexetal e a medio e longo prazo desertificación da área afectada, xa que, a perda da cuberta vexetal e dos humidais converte aos chans nun recurso natural non renovable e finito perdendo a súa funcionalidade e aptitude agrícola, gandeira e forestal actual de xeito irreversible.

3.- ANÁLISE DOS PLANEAMENTOS URBANÍSTICOS MUNICIPAIS DOS MUNICIPIOS AFECTADOS POLO PARQUE EÓLICO ESTIVADA.

A mercantil promotora propón a modificación de cualificación urbanística e regulación detallada do uso pomenorizado para recalificalo como chan rústico de especial protección de infraestruturas.

De acordo co previsto no Artigo 34.4 da Lei 2/2016, do 10 de febreiro, do chan de Galicia, cando un terreo, polas súas características, poida corresponder a varias categorías de chan rústico de especial protección, aplicaranse os distintos réximes de forma complementaria, prevalecendo aquel que outorgue unha maior protección (que neste caso non é o chan de infraestruturas). **Polo tanto, desde o punto de vista urbanístico o proxecto eólico ESTIVADA é incompatible. A promotora pretende unha recalificación urbanística non amparada legalmente en relación ao chan rústico de protección forestal, chan rústico de protección de cauces, o chan rústico de protección paisaxística e o chan rústico de protección de espazos naturais.**

“Artigo 34.4. Cando un terreo, polas súas características, poida corresponder a varias categorías de chan rústico, aplicaranse os distintos réximes de forma complementaria”.

Ao anterior hai que engadir a prevalencia da protección ambiental do **Artigo 2 da Lei 42/2007, do 13 de decembro, do Patrimonio Natural e da Biodiversidade.**

“Artigo 2. Principios.

Son principios que inspiran esta lei:

f) A prevalencia da protección ambiental sobre a ordenación territorial e urbanística e os supostos básicos dá devandita prevalencia”.

A maior abondamento **hai que contar coa protección ambiental reforzada dá Directiva 92/43/CEE do Consello, do 21 de maio de 1992, relativa á conservación dos hábitats naturais e da fauna e flora silvestres.** Hai hábitats prioritarios e hábitats de interese comunitario pero ambos os dous tipos gozan da protección do artigo 2 desta directiva, isto é:

1. A presente Directiva ten por obxecto contribuír a garantir a biodiversidade mediante a conservación dos hábitats naturais e da fauna e flora silvestres no territorio europeo dos Estados membros ao que se aplica o Tratado.

2. As medidas que se adopten en virtude da presente Directiva terán como finalidade o mantemento ou o restablecemento, nun estado de conservación favorable, dos hábitats naturais e das especies silvestres da fauna e da flora de interese comunitario.

Os hábitats naturais de interese comunitario requiren de zonas de especial conservación conforme á Directiva 92/43/CEE do Consello do 21 de maio de 1992 relativa á conservación dos hábitats naturais e da fauna e flora silvestres. Non poden ser, por tanto, nin eliminados, nin degradados. A normativa citada indica expresamente que estes hábitats deben ser conservados e manterse nun estado de conservación favorable.

4.- A prevalencia da protección ambiental da Lei 42/2007, do 13 de decembro, do Patrimonio Natural e da Biodiversidade.

“Artigo 2. Principios.

Son principios que inspiran esta lei:

a) O mantemento dos procesos ecolóxicos esenciais e dos sistemas vitais básicos, apoiando os servizos dos ecosistemas para o benestar humano.

b) A conservación e restauración da biodiversidade e da xeodiversidade mediante a conservación dos hábitats naturais e da fauna e flora silvestres. As medidas que se adopten para esa fin terán en conta as esixencias económicas, sociais e culturais, así como, as particularidades rexionais e locais.

c) A utilización ordenada dos recursos para garantir o aproveitamento sostible do patrimonio natural, en particular, das especies e dos ecosistemas, a súa conservación, restauración e mellora e evitar a perda neta de biodiversidade.

d) A conservación e preservación da variedade, singularidade e beleza dos ecosistemas naturais, da diversidade xeolóxica e da paisaxe (...).

f) A prevalencia da protección ambiental sobre a ordenación territorial e urbanística e os supostos básicos da devandita prevalencia.

g) A precaución nas intervencións que poidan afectar a espazos naturais ou especies silvestres”.

En virtude do anterior,

SOLICITA:

1.- O rexeitamento da solicitude de autorización administrativa previa, da autorización administrativa de construción, o estudo de impacto ambiental e do proxecto sectorial de incidencia supramunicipal (proxecto de interese autonómico) do parque eólico Estivada, situado nos concellos de Agolada (Pontevedra) e Antas de Ulla (Lugo), e promovido por Green Capital Power, S.L. (expediente IN408A/2019/17), DOG Núm. 201, 19 de outubro de 2021, e a súa retirada definitiva pola súa incompatibilidade cos valores ambientais, patrimoniais e paisaxísticos presentes na área de afección do proxecto e a falla de licencia social.

2.-SIRVAN AS PRESENTES ALEGACIONES COMO NOTIFICACION PREVIA DESTE ASUNTO, QUE VAI A SER OPORTUNAMENTE RATIFICADA PARA O CASO DE PROGRESO DA SOLICITUDE RELATIVA AO PARQUE EÓLICO ESTIVADA (EXPEDIENTE IN408A/2019/17) E PROGRESO DA MESMA, DEBENDO OS PROMOTORES ENFRENTARSE AOS PROCEDEMENTOS XUDICIAIS QUE SE INICIEN (CONTENCIOSO-ADMINISTRATIVOS E PENAIIS), ASÍ COMO, ÁS INDEMNIZACIONES QUE PROCEDAN, CON RESPONSABILIDADE SUBSIDIARIA DE QUEN AUTORIZA SEN TER EN CONTA OS DEFECTOS DOS QUE SE LLE PON EN COÑECEMENTO.

3.- Téñase en conta que o Inventario de Humidais de Galicia non recolle ningún humidal. Téñase en conta que ademais dunha impresionante e exclusiva biodiversidade, calcúlase que unha hectárea de turbeira pode almacenar entre 3 e 3,5 veces máis carbono que unha hectárea de bosque tropical, reducindo a emisión de gases de efecto invernadoiro e o quecemento global do planeta, polo que é fundamental a conservación destes sumidoiros e acumuladores de carbono.

4.- Téñase en conta que o Plan Sectorial Eólico de Galicia é un regulamento que non está adaptado a actual normativa de avaliación de impacto ambiental e que está desfasado, caduco e obsoleto e que carece de avaliación ambiental estratéxica ao igual que as súas modificacións, sendo esta preceptiva. Ademais, nunca chegou a publicarse íntegramente o seu texto e as correspondentes modificacións do mesmo no Diario Oficial de Galicia vulnerándose o artigo 9.3 da Constitución española (principio de publicidade das normas e principio de seguridade xurídica).

5.- Acceso dixital, ao abeiro da Lei 27/2006, á documentación relativa ao seguimento ambiental do Plan Sectorial eólico de Galicia e ao programa de vixilancia ambiental deste, tal e como indica o artigo 51 da Lei 21/2013, de 9 de outubro de avaliación ambiental de Galicia.

6.- A adopción da medida cautelar urxente consistente na suspensión temporal da eficacia do Plan Sectorial Eólico de Galicia e a paralización temporal da aplicación deste, en tanto non se someta este regulamento á avaliación estratéxica ambiental prevista na Lei 21/2013, de 9 de outubro de avaliación ambiental.

7.- Teñan en conta que en consoancia co anterior estase a vulnerar unha mancha de normativa que xera indefensión para a cidadanía como:

- Directiva 2003/4/CE do Parlamento Europeo e do Consello, do 28 de xaneiro de 2003, relativa ao acceso do público á información ambiental e o Convenio de Aarhus de 1998 sobre o acceso á información, a participación do público e o acceso á xustiza en materia de medio ambiente, que garanten o acceso público a información ambiental que obre en poder das autoridades públicas ou doutras entidades no seu nome, tanto cando se lles solicite como mediante divulgación activa.
- Decisión 2005/370/CE do Consello, do 17 de febreiro de 2005 sobre a celebración, en nome da Comunidade Europea, do Convenio sobre o acceso á información, a participación do público na toma de decisións e o acceso á xustiza en materia de medio ambiente (DO L 124 de 17.5.2005, pp. 1-3)
- Regulamento (CE) nº. 1367/2006 do Parlamento Europeo e do Consello, do 6 de setembro de 2006, relativo á aplicación, ás institucións e aos organismos comunitarios, das disposicións do Convenio de Aarhus sobre o acceso á información, a participación do público na toma de decisións e o acceso á xustiza en materia de medio ambiente (DO L 264 de 25.9.2006, pp. 13-19)
- Decreto 127/2008, do 5 de xuño, polo que se desenvolve o réxime xurídico dos humidais protexidos e se crea o Inventario de humidais de Galicia.
- Lei 7/2012, de 28 de xuño de Montes de Galicia.

8.- Que por parte do Consello da Cultura Galega, máximo órgano asesor da Xunta de Galicia en materia de cultura, se informe sobre a compatibilidade do proxecto da estación eólica ESTIVADA e os demais parques que prevé desenvolver o mesmo grupo empresarial ou CLÚSTER nas proximidades xeográficas deste e os demais parques xa instalados ou en tramitación existentes ou previstos para a mesma área xeográfica cos valores culturais, paisaxísticos e ambientais da área de afección.

9.- Que por parte da Dirección Xeral de Defensa do Monte da Consellería de Medio Rural da Xunta de Galicia e á luz da exposición de motivos e o artigo 5 da Lei 7/2012, de 28 de xuño se informe sobre a prevalencia do uso forestal sobre o uso eólico e a incompatibilidade deste, dentro da superficie afectada

pola poligonal do parque eólico ESTIVADA e os demais parques que prevé desenvolver o mesmo grupo empresarial nas proximidades xeográficas deste e os demais parques xa instalados ou en tramitación existentes ou previstos para a mesma área xeográfica, en tanto en canto como ben di a exposición de motivos da referida lei, o monte galego é unha fonte de riqueza que xera emprego estable, descarboniza a economía, cumpre co protocolo de Kioto e realiza unha contribución importante ao PIB galego (artigo 5 da Lei de Montes de Galicia).

10.- Que por parte da Dirección Xeral de Gandaría, Agricultura e Industrias Agroalimentarias da Consellería de Medio Rural da Xunta de Galicia se informe sobre a prevalencia do uso agro -gandeiro sobre o uso eólico e a incompatibilidade deste, dentro da superficie afectada pola poligonal do parque eólico ESTIVADA e os demais parques xa instalados e en trámite tanto da mesma mercantil promotora como doutras, en tanto en canto o sector agro –gandeira dinamiza o mundo rural, xera emprego estable e realiza unha contribución importante ao PIB galego.

11.- Información sobre das axudas públicas e contías recibidas pola empresa promotora e as demais empresas do mesmo grupo empresarial ou CLÚSTER, tanto do Estado español como do Banco Europeo de Inversións ou calquera outra Administración pública para o desenvolvemento dos parques ESTIVADA, ZAMORRA, ESPADA... e os demais parques que prevé desenvolver o mesmo grupo empresarial nas proximidades xeográficas deste do mesmo grupo empresarial e obxecto doutros expedientes independentes, e que pese a súa vinculación entre eles, non foron obxecto de avaliación ambiental conxunta como corresponderá, obviándose así a participación pública na avaliación ambiental do conxunto de proxectos vencellados ao mesmo grupo empresarial e para o mesmo ámbito xeográfico.

12.- Sométase a avaliación ambiental estratéxica o Plan industrial de desenvolvemento eólico que a mercantil promotora e as demais empresas que esta referencia no proxecto, como compoñentes dos mesmos intereses e do mesmo clúster empresarial á preceptiva avaliación estratéxica ambiental preceptiva da Lei 21/2013, de 9 de decembro, de avaliación ambiental.

13.- Que por parte do ICOMOS se avalíe e informe sobre o grao de compatibilidade do Camiño de Santiago de Compostela co parque eólico ESTIVADA, ZAMORRA, ESPADA... e os demais parques e instalacións eólicas das empresas do Clúster empresarial que referencia á mercantil promotora e os parques instalados ou previstos na área xeográfica de incidencia deste proxecto sobre da vía cultural histórica referenciada.

14.- Ao abeiro do Convenio Europeo da Paisaxe, en vigor o 1 de marzo de 2004, e que España ratificou o citado Convenio o 26 de novembro de 2007 (BOE de 5/02/2008), o papel do dereito non é recoñecer e protexer un valor ou unha beleza paisaxística particulares; o que o dereito debe recoñecer en primeiro lugar e, por conseguinte protexer, é un valor complexo: a necesidade de toda a cidadanía de establecer unha relación sensible co territorio, de beneficiarse desta relación e de participar na determinación das características formais dos lugares que habitan ou frecuentan. Ninguén, incluída a promotora deste proxecto e a Xunta de Galicia, teñen dereito a emborronar a dimensión paisaxística dun territorio sen ter primeiro en conta o interese do conxunto da poboación local afectada. E o dereito á Paisaxe non pode ser determinado por un desenvolvemento económico que non ten en conta a aparencia dos territorios aos que afecta, senón que debe reflectir as verdadeiras aspiracións dos homes e mulleres que o habitan. E no presente caso existe un rexeitamento social expreso e masivo tanto ao parque eólico ESTIVADA e os demais parques que prevé desenvolver o mesmo grupo empresarial nas proximidades xeográficas deste e os demais parques xa instalados ou en tramitación existentes ou previstos para a mesma área xeográfica. Non se pode transformar unilateralmente por mor do interese dunha empresa as paisaxes agrarias e forestais e o medio de vida das familias en paisaxes industriais e polígonos eólicos que só benefician a empresas como é o presente caso.

Antas de Ulla, 21 de novembro de 2021

Asdo.- _____